

位西先生遺稿
張文節公遺集
有聲畫



三 三 三

上 上

中 中

中 中

中 中

中 中

中 中 中



有

聲

畫

許光治 著

中華書局

12929

叢書集成初編

位西先生遺稿（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

有聲畫

此據別下齋叢書
本排印初編各叢
書僅有此本

有聲畫

清 海昌許光治龍華著

地丁短短黃更肥。石畔綠遍蠶蟻衣。東風十日晴不雨。金綫作花蝴蝶飛。金絲荷葉
淺叢密葉蔭周遮。粉豔晴拖一桁斜。蝴蝶飛來渾不見。東風吹上刺紅花。粉團薔薇

寒花亦多媚。草深長自開。怪他花閒蝶。不復雙飛來。

積陰生空寒。小雨涼乍歇。數日西風來。參差長苔髮。秋草 野花

煙絲絲柳不禁愁。荇甲魚丁波上浮。開盡碧桃人不見。落花無限水東流。荇葉菰芽沒釣磯。綠波春水

白魚肥。柳絲無力東風軟。時有碧桃零亂飛。綠波春水可憐生。荇帶菰根亦有情。三四白魚花數點。柳

絲深處似閒鶯。落花 游魚

苔痕重疊穀文斜。別院秋光未有涯。多謝風前雙蚊蚋。和煙飛上海棠花。秋海棠

燕子低飛掠曉煙。芳春楊柳綠芊緜。社公雨歇東風過。正是江南二月天。柳燕

老葉含將煙綠。新葩染上霜紅。濯錦江邊秋色。辛夷隴口西風。芙蓉

金線不作窠。石畔生苔衣。似憐野花好。蝴蝶相將飛。

舊是仙人萼綠華。蒼煙高隱亂山斜。滿身明月不歸去。夜半天風吹碧車。綠萼梅

綠苔滿地東風靜。風前戲蝶嬌相竝。翠袖紅妝冷暮寒。猶是眞幃鏡中影。花事秋蟲欲高舉。振翅當西風。相看霜後葉。爲他作嬌紅。陰潮逼塞石。西風生綠苔。下階見秋草。莫是雁初來。

愛他石畔草。新葉炫霜華。嫵娜當風前。羞落三春花。雁來紅

紅藍露溼開新豔。丹桂秋高發古香。一樣西風好顏色。斷蟲聲裏寫新涼。豔菊桂

香霧空濛曉未收。鳥聲花影綠窗幽。十分春在紅廊下。安穩雙棲到白頭。海棠白頭

梅梢初月明。窗外光如水。疏影一橫斜。知他風又起。墨梅

委墮雲偏十二鬟。幾年游戲到人閒。行廚好壁麒麟脯。醉問蓬萊海上山。麻姑

無限繁香撲酒尊。一枝清豔最銷魂。美人家在羅浮畔。碧月疏煙又一村。著色梅花

籬豆花開時。絡緯涼自語。昨夜秋聲多。籬邊有微雨。籬豆絡緯

荷花楚楚金棱邊。荷葉濛濛捲宿煙。如何小雨闌風裏。沒箇鴛鴦貼水眠。白荷

東風生怪柳絲長。搓取紅綿乞海棠。蠟燭燒殘看未足。滿身花影立昏黃。水墨海棠

梨花如雪可憐生。隔著辛夷更有情。絕似冷煙寒食夜。幾枝和雨送清明。梨花

女夷司花籍。縛筆當春前。郎君拜龍鬚。正整曲江鞭。水筆杏花

寒食雨餘春意晴。輕衫短帽稱山行。一路紅芳看不斷。山山都是子規聲。杜鵑

野蒲萄已離離紫。木堇花初豔豔紅。絕妙田家煙景別。畫圖猶是古畝風。檣花低礪玉成叢。襯著離離

早豆紅。不信野人離落底。抵他生色畫屏風。木堇

徐熙畫本已殘叢。筆妙誰傳蠶粉紅。記取田家真畫稿。秋花秋葉寫畝風。

楊花風聲已成毬。滾雪飄煙舞未休。別有春風愛莊重。一團團月在枝頭。續

萬樹東風蒸錦霞。阜亭山下夕陽斜。紅塵拂面春如海。多少游人來看花。桃花

輕綃薄縷暈朝霞。簇葉低枝一桁斜。明月似鉤天似水。玉堂風物最清華。紫葳

祇緣人力費栽培。攣得東風一夜回。爲是寒多穠奪目。不因春盡豔初胎。繁華自有吹噓助。富貴全憑醞

釀來。寄語宮袍唐學士。清平先試謫仙才。唐花

曙光混白波澄綺。涼月空濛香在水。翠蓋紅衣淡曉妝。銀塘一夕秋風起。摧花裂葉寒意多。嬖人不來將

如何。明日采蓮蘭櫂。不采空房采青子。殘荷

莫嫌歲晚韶華少。歲晚韶華更不同。梅葉殷紅松葉翠。肯教低首讓春風。紅梅羅漢松

舊日南唐帝子家。紅羅亭畔好韶華。豔歌聲裏詞臣醉。纔稱人間第一花。紅梅

幾時明月墮雲端。樂府歌殘憶古歡。記得雨餘風力猛。一枝斜壓玉欄干。續

仙人紫瓔珞。施作百寶叢。花神再拜謝。俯仰生香風。紫藤

一叢秋色鳳頭尖。倒影分香上畫簷。曾記明河星月下。輕紅初染玉纖纖。白鳳仙

縷絲花燦十分妍。豆子香清粒粒圓。爲寫鴛鴦新絹匹。憶他辛苦養蠶天。刺茶。廣霞耳。

羅囊深淺貯金絲。酒後茶邊事事宜。試問煙雲嘯吸處。幾人曾識此花枝。煙花

是桃是竹認模糊。紅雨蒼煙定有無。桔梗有花宜點綴。與君添作藥苗圖。夾竹桃

西風生庭除。寒花日以新。鉛華寫五色。四時能長春。何當乞靈貺。再拜司花神。

院蕊溶溶月色新。梨雲夢覺最分明。東風一種闌干意。多恐和煙畫不成。梨花

又是春紅破曉煙。胭脂暈額十分妍。不知第幾番風到。卻稱微雲澹雨天。海棠

驚起春眠意尙慵。關心爲聽夜來風。殷勤試向花梢覓。多分枝頭有落紅。桃花

露葉煙條意態柔。紛紛紅紫媚清秋。調鉛寫出西風影。爲要新涼到扇頭。

夢到天台路。碧桃花自春。胡麻飯初熟。誰是捉杯人。桃花

碎蹙輕綃翳絳紗。一枝剛映月鈎斜。玉堂視草歸來後。獨對黃昏是此花。紫薇

寒梅撓臘作韶華。杏子遲春始放芽。檢點一年芳事早。打頭須讓木蘭花。玉蘭

五雲樓閣曉霞融。拂檻春枝露粉紅。稱與早朝人插帽。天香濃染夜來風。牡丹

帳下誰爲楚舞身。鏡中誰是豔歌人。東風解事還多事。替染生紅當寫真。虞美人花事
芳意曉猶倩。休嫌朝露侵。看花人早起。多少惜花心。辛牛

東風裁出葦綃勻。倚日紅雲著樹新。豔說曲江風景好。馬頭斜指一鞭春。杏花
荒荆莽四野。芳草不改色。芝蘭自馨香。榛蕪自叢雜。

葡萄菱角各駢羅。紅坼安榴子更多。記得果筵張乞巧。有人低首拜星河。

金經曾閱梵王家。舊菊芳名記不差。縱使苾芻香自好。總輸形似妙蓮花。梔子

重陽時節又題糕。濃挹霜華點露毫。淩罷落英無一事。開尊重與讀離騷。菊

未甘蕭艾託同流。也稱尋常插滿頭。歌罷武皇辭一曲。不應忘卻漢宮秋。艾菊剪秋紗

玉女下冰雪。飄然翔雲衢。下視瓊瑤林。粉萼相披敷。一笑遺佩璫。迸落珊瑚珠。聞天竹梅。

陶令籬邊秋色賒。金英碧蘂鬪鉛華。不知更有羅囊紫。開遍山山桔梗花。

曾記西湖湖上遊。春人如海午風柔。畫船日暮恩恩去。斜插一枝蓬上頭。桃花

胭脂太紅粉太白。故使細梅淺淡粧。記得田家籬落外。一枝迎暝破斜陽。結梅

九天風露入秋新。姹紫嬌黃態更真。多恐尋常貌難得。粉奩脂盞禱花神。

廿番花信太恩恩。狼藉飛香又走紅。三月春晴一句雨。藥欄容易又東風。芍藥

露葉風條不自持。曲欄深處見垂枝。關心又一花風換。正是黃梅雨過時。

絲絲力弱不禁風。韞葉含葩暎殿紅。曾記果園寒食後。半竿斜日粉牆東。垂絲海棠

踏青芳草已萋萋。煙柳絲輕亦未齊。正是春陰好時節。東風開到海棠梨。海棠

杳曲闌干庭院深。澹雲斜日畫沉沉。盡教解散丁香結。頗費東風一種心。丁香

曾記東峯破曉行。野蒿微上露華清。谿邊石畔無人過。時有脊令嘯一聲。野蒿

九十風光過眼賒。蜨香蛾粉總韶華。蒿薇芍藥都看過。春在庭牆野草花。

寶珠初放晚茶紅。絳雪丹霞豔一叢。百五未過春已半。花開吹到海棠風。山茶海棠

一叢初放米囊花。淺紫輕朱豔思賒。映著深紅小花草。粉光香影更天斜。罌粟

玉樓春暝繁華地。錦幔香融富貴家。開盡千紅并萬紫。總應輸爾入時花。牡丹

紫蘇一幅剪春雲。銀燭高烧記夜分。芳譜豔稱花命婦。有人爲聘寄春君。海棠梅

胡麻飯熟水流香。玉洞春深日月長。一自仙家聯眷屬。人間從此說劉郎。桃花

珠珮細垂銀絡索。荷囊巧製絳羅絲。花神新受東皇寵。粧點春風得意枝。白珠藤荷包牡丹

寶相莊嚴四面勻。輕紅散出露華新。任他寒燠隨時改。華作人間四季春。月季

花是縷絲應共繭。米如脫殼卽長腰。要識田家耕織意。便如幽雅譜風謠。刺茶蘼罌粟

宜男草長同心碧。多子花開並蒂紅。堂北薰風簾額火。都將吉語識天中。萱櫺
水蒨花。彈秋垂葉。露重鴛鴦飛不起。前谿已約采蓮人。明日新房采蓮子。萱

繁花何必羨交柯。託體應教竝萬蘿。借得雙星巧名字。種花籬落是銀河。牽牛女。蓮。

擣出守宮紅。指甲寫成螺子翠蛾眉。施朱施黛尋常事。祇要妝成盡入時。鳳仙鴨跖草。

柘徑瓜疇一字斜。芸黃驚眼好韶華。卽看衣被蒼生遍。纔是人間有用花。吉貝花

玉堂風物豔星垣。寶炬金蓮劃漏痕。天外月鈞清似水。一枝花影伴黃昏。紫微

芙蓉江上舒新豔。丹桂雲中發古香。從此西風看不厭。肯輸桃杏占春芳。尊桂

澹澹秋容最耐寒。冷香高捧玉檀栾。餐英服食神仙事。莫作尋常晚節看。白菊

也從葉底飛紅雨。也向花前翦綠雲。莫似此君太輕葛。便勞封事與彈文。夾竹桃。娛人蕉。

三友曾聞共歲寒。清癯風骨寫來難。而今樣樣翻新樣。綠嫩黃嬌卻耐看。羅漢松。開天竹。蟻梅。

迎春曾記誇山茶。舊臘無端已綻葩。紅海棠梨木蘭樹。打先開歷一年花。貼梗海棠。玉蘭。

隔簾花影淡籠籠。紅雨蒼煙態不同。畢竟是桃還是竹。試參消息向西風。夾竹桃

山桃紅。燦海茶妍。妝點東風百五天。富麗春工豔陽景。江南畫史只黃筌。山茶。桃。

寶珠初放海南茶。紅杏齊開曲水花。不省番風當第幾。二分春裏好韶華。山茶。杏。

浹日辰晴隔夜風。吹花掠絮太匆匆。春光九十看將遍。又見梢頭繭栗紅。芍藥

果園深處更無人。曾記垂絲一樹勻。斜日粉牆西角墜。東風搖盪不勝春。近來消盡海棠顛。冷落清明

百五天。一樹春風無恙在。花開猶似十年前。垂絲海棠

樹上殘紅紅已稀。枝頭新綠綠初肥。春光又過八十日。蝴蝶花開蝴蝶飛。蝴蝶花

欲寫鉛華染翰難。商量粉黛幾回看。從來富貴年年好。試筆春風畫牡丹。

富貴應教出墨池。何須多事買胭脂。看來總入時人眼。爲是春風第一枝。水墨牡丹

銀河清淺火西流。誰設星筵拜女牛。應是天孫夜深過。攜來花影十分秋。

漫憶西湖處士家。一枝香影自橫斜。爲緣青子調羹好。不寫重臺綠萼花。梅

富貴人將國色誇。鞋紅歐碧競韶華。寫成更寫疎梅伴。都是花中第一花。牡丹梅

染衣新柳綠初勻。勝絕風光曲水濱。一日長安花看過。杏花多占二分春。柳杏

繅絲花燦豆花香。欲寫鉛華意倍長。一尺蠶絲新絹素。有人辛苦事蠶桑。

銀絲絡索巧裝成。寫出春風半面情。爲惜粉殘香褪後。鏡奩拋擲可憐生。描畫花

紛紛桃杏笑春紅。攬早秋心賴化工。江水分明好顏色。看來渾不是西風。五月早芙蓉

幾枝斜影照星筵。西月如弓未上絃。欲問天孫乞新巧。試翻花樣寫秋煙。

玉樓春色好鉛華。細簇羅雲疊綺霞。更愛芳叢金盞菊。一年能作四時花。牡丹長春。
謝家庭院曉雲輕。十二回廊夢未成。一樹闌干春雨重。冷煙寒食又清明。梨花
麥黃棖熟好韶華。隴畔畹畝亂作花。不信醄醄送春去。東風猶在野人家。豌豆花
纔過東風百六天。嬉春景物便喧妍。年時賸有看花約。西子湖頭問畫船。碧桃
甘番風信又翻新。繭栗梢頭替寫真。手把一杯婪尾酒。櫻桃如豆餞殘春。
香澤溫蘭膏。斂髮綠雲裊。試問枝上花。何如鬢邊好。

清露被芳叢。流光豔初曉。試問鬢邊花。何如枝上好。插鬢花

活色生香映碧紗。東風乞與好韶華。也知小院春光麗。都是重臺竝蒂花。梅蘭。
春光已過九十日。蝴蝶不來鶯懶飛。早是東風離落底。一年芳信到薔薇。

薔薇芍藥殿芳華。香信更番轉眼賒。屈指東風過來久。滿園猶賸麗春花。虞美人

冷淡冬心最耐寒。尋常竹柏未堪看。須知雪虐風饕地。不少瓊華共歲闌。山茶紅梅。

一叢深色曉含煙。婪尾東風綽約妍。正好十分春事裏。櫻桃新筍又開筵。芍藥。櫻筍。

尚有香塵拂面來。胡麻飯熟訪天台。歸春曲罷不歸去。山下碧桃無數開。

野菊黃金新鑄後。海棠紅錦乍披纔。宮羅花樣圓錢府。誰似秋風富貴來。秋花

芙蓉曾記采江頭。翠蓋紅衣豔欲流。別樣西風借名字。一分分作錦城秋。木芙蓉

湘簾窄地水紋斜。篆爇爐煙點午茶。不信驕陽當頂熱。更饒清興寫涼花。秋花

深紅初坼海棠梨。此是先春第一枝。屈指東風重遞到。花前聽唱木蘭辭。貼壁海棠玉樹

蚪絲森森蔭北堂。金萱穠麗比春陽。忘憂獨忿都常事。誰似南榮愛日長。黃柏

紫縣猶未放韶華。香窟餘寒若樣賒。不用金錢買春色。試燈風裏一枝斜。貼壁海棠

一宵風雨打迴汀。湖水湖烟冷未醒。曉起蘇堤看秋色。敗荷殘蓼半零星。白蓮、蓼花

蟠桃花實三千歲。自是蓬壺日月長。試問墨華誰折贈。昨朝仙使過晴曠。水墨桃花

託根明月中。扶疎異凡木。空際聞天香。霓裳聽新曲。丹桂

金桃盈尺絲。此花毋乃是。不知衆香國。誰織居士履。金絲桃

垂垂紫藤花。當軒如有情。美人低雙鬢。一笑春風生。紫藤

幾枝暖日暈紅錦。裝點東風二月天。記得澹煙寒食夜。茜絨鈴索動鞦韆。貼壁海棠

金柑烏芋舊登筵。多子榴房粒粒鮮。蒹葭新紅好顏色。也教盤饌上春前。

牡丹開盡賸餘容。貪睡狸奴午更慵。婪尾春光拚一餞。藤花無賴又茸茸。

一甌烹午茗。自寫錦城霞。憶到前山路。初開白玉花。茶花

摘粉搓酥細膩。雕瓊琢玉玲瓏。枝上初圓璧月。花間乍轉光風。繡綰
密刺柔枝覆院牆。花開微雜綠陰香。也知著處多鉤刺。故洗鉛華入道妝。黃月手
香散朝曛暖。光含宿露新。此中春富貴。應讓玉樓人。玉樓春